

庶物類纂

蛇屬
十五

容

太政官文庫			
特別	和書門	類	
三二	三六	二號	
第五	番函	架	
四六	五册		


內閣文庫	
番號	和 32362
冊數	465 (409)
函號	54 1

百内

共四十六








庶物類纂蛇屬卷之十五
蛇

庶物類纂

蛇屬

蛇



蛇

俗名歌^ハ虛^ク又名孤^ソ七^チ拿^ナ法^ハ又名拿^ナ戛^カ母^ム十^シ

蛇

晉獻公太子之至靈臺，蛇繞左輪，御曰：太子下拜，吾聞國君之子，蛇繞左輪者，速得國。漢劉向新序

世間多有蛇作恠者。漢應劭風俗通義

元嘉中，廣州有三人共入山中伐木，忽見石窠中有二卵，大如升，取煮之，湯始熟，便聞林中如風雨聲，須臾有一蛇，大十圍，長四五丈，徑來於湯中銜卵去，三人無幾皆死。晉陶潛搜神後記

七八月中，諸蛇毒旺，不得洩，皆齧草木，即枯死，名為

蛇 蛇物傷人甚於蛇螫即依蛇之螫法療之晉葛洪肘後備

方急

中蛇毒勿渡水渡水則痛甚於初螫同上

揚州有蛇市市人鬻珠玉而雜貨蚊布蚊人即泉光

也又名泉客梁任昉述異記

蛇磧蘇都瑟匿國西北有蛇磧南北蛇原五百餘里

中閉遍蛇毒氣如烟飛鳥墜地蛇因吞食或大小相

噬及食生草唐段成式酉陽雜俎

南安蠻江蛇至五六月有巨蛇泛江岸首如張帽萬

萬蛇隨之入越王城同上

馮坦者常有疾醫令浸蛇酒服之初服一瓮子疾減

半又令家人執一蛇投瓮中封閉七日及開蛇躍出

舉首尺餘出門因失所在其過跡地墳起數寸唐段成式

諾鼻記

陸紹郎中言常記一人浸蛇酒前後殺蛇數十頭一

日自臨瓮窺酒有物跳出齧其鼻將落視之乃蛇頭

骨因瘡毀其鼻如劓焉同上

機謹按明陳希顏事言要玄集劓作削

巳日巳年不殺蛇唐李石續博物志

桐廬人嘗自伐竹遺竹見一宿竿雉頭蛇身猶未變乃知竹為蛇蛇為雉頭先化曾於青城山小路上見之同上

龍山有數軍人修築茶園見一白蛇大如拱競舉鋤擊之內一人姓余者勸不殺眾不從其言遂攫斃之來且一白衣女子攜一籃下嶺皆見之良久放下籃子入林中似回顧眾往奪之姓余者亦不隨其籃內盛一顆蕈光嫩玉色女戟手曰平時此地有盜垂泣

而去軍人將歸火幕烹之方食之次姓余者忽頭痛不可忍乃睡夢其女子云此蕈有毒君不害我請莫食之睡覺眾人各食訖姓余者恠而疑之將拋棄旬日眾人相次嘔血而卒惟姓余者存焉唐傅亮靈應錄

開成初宮中有黃色蛇夜自寶庫中出遊於階庭間光彩照灼不可擒捕宮人擲珊瑚玦擊之遂并玦而亡去掌庫者具以事告上令徧搜庫內乃得黃金蛇而珊瑚玦貫其首上熟視之曰昔隋煬帝為晉王時以黃金蛇贈陳夫人吾不知此蛇得自何處左右因

觀額下有阿摩字上蹶然曰果不失朕所疑耳阿摩

煬帝小字也上之博學敏悟率多此類遂命取玻瓈

連環繫於玉璽之前足其後更復見焉唐武功蘇鄂杜陽雜編

晉明帝太寧初武昌有大蛇常居故神祠空樹中每

出頭從人求食尋有王敦之逆唐陸勳集異志

文獻公誕時一蛇自屋移于前舉頭張喙久之方去

及七日浴忽飄風暴雨劈其澡盆為二片與母俱無

驚動同上

西海海中有島方二百里島上有大林林皆寶樹中

有萬餘家其人皆巧能造寶器所謂拂林國也島西

北有坑盤坳深千餘尺以肉投之鳥銜寶出大者重

五斤彼云是色界天王之寶藏西北無慮萬里有女

國以蛇為夫男則為蛇不噬人而穴處女為臣妾官

長而居宮室俗無書契而信呪咀直者無他曲者立

歿道設教人莫敢犯唐張語梁四公記

外臺秘要云赤螭音連黃額之類復當六七種不盡知

其名水中黑色名公螭山中一種亦相似並不聞螯

又有鈎蛇尾如鈎尾能倒牽人獸入水後而食之又

南方有响蛇人忽傷之不死終身伺覓其主雖百人
眾中亦直來取之唯遠去百里乃免耳又有拖長七
八尺如拖毒中人必死即削取舩拖煮漬之便愈凡
大蛇多是神不可妄殺之又額上有白色狀如王字
者有靈或有角形者此是欲變為龍也凡青蝻中人
立死蝮中人一日死虺毒急於眾蛇不早療之多殘
斷人手足藥不可以一法宜審按之唐王燾外
臺秘要方
抱朴子曰或問隱居山澤治蛇蝮之道曰昔負丘多
大地又生好藥黃帝將登焉廣成子教之佩雄黃而

地皆去也今帶武都黃色如雞冠者五兩以入山林
則不畏地地若中人以少許雄黃末傳之瘡中立愈

太平御覽

抱朴子曰巳日山中稱寡人者社中蛇也同上

沈約宋書曰劉秀之少孤貧有志操十許歲時諸兒
戲於前者忽有大蛇來勢甚猛莫不顛沛驚呼秀之
獨不動眾並異焉同上

漢書曰高祖以亭長送徒驪山夜行經豐西大澤中有
大蛇當道援劍斬之遂行後人至者見一老嫗哭蛇曰

此白帝子也向赤帝子過而殺之媪因忽然不復見

同上

南史曰梁主本庫見里蛇長許數十小蛇隨之舉頭高丈餘南望俄失所在帝又與宮人幸玄州苑復見大蛇盤屈於道群小蛇遶之並黑色帝惡之宮人曰此非恠也恐是錢龍帝勅所司即日取數十萬錢鎮於蛇處以厭之因設法會赦囚徒賑窮乏退居栖心省又有蛇從屋墜落帝帽上忽然便失又龍光殿上所御有輿復見小蛇縈屈輿中以頭駕夾膝前金龍

頭上見人走逐之不及

同上

賈誼書曰晉文公出田前駢還曰前有大蛇其高如隄橫道而處文公曰還車而歸其御曰臣聞祥則逆之妖則凌之今前有妖請攻之公曰不可吾聞天子夢惡則修道諸侯夢惡則修政大夫夢惡則修身若是我則禍不至今我有失行而天感以妖我若攻之是逆天今也乃歸齋宿而請於廟退而修政居三日夢天誅地曰爾何敢當聖之路文公覺令人視之地已魚爛矣

同上

酈善長水經注曰南鄉故城南外舊有群社栢樹三十圍蕭欣為群伐之言有大蛇從腹中墜下大數十圍長三丈小蛇數十隨之入南山聲如風雨伐樹之前見夢於欣欣不以為意及伐之少日果死上同

又曰漢水又東合洛水水有二源合注壑於神蛇戌酉左右山溪多五色蛇性剛不為物毒上同

蜀王本記曰秦王知蜀王好色乃獻姜女五人蜀王遣五丁迎女還梓見一大蛇入山穴中一丁引其尾不能出五丁共引蛇山崩壓五丁上同

寰中記曰崑崙西北有山周迴三萬巨蛇長萬里蛇常居此山飲食滄海上同

雷次宗豫章記曰永嘉末有大蛇長十餘丈斷道經過者輒以氣吸引取之吞噬已百數行旅斷絕道士吳猛與弟子數人往欲殺蛇蛇藏深穴不肯出猛符南昌社公地乃出穴頭數丈猛於尾緣背而足按蛇頭著地弟子於後以斧殺之上同

鄧德明南康記曰南野嶽山有漢大傅陳藩塚墓西岸有廟今日宮注昔值軍亂聞墓有三寶軍人爭掘



指麾必啓忽大地圍繞墳前崩雷晦雨當時意不得發上同

外國圖曰圓丘有不死樹食之乃壽有赤泉飲之不

老有大蛇多為人害不可得居常遊圓丘以雌黃精厭大蛇上同

列異傳曰壽光侯者漢章帝時人劾百鬼眾魅有婦

為魅所疾候劾得大蛇又有大樹人止之歿鳥過亦

歿侯劾樹柏夏有蛇長七八丈懸而歿上同

幽明錄曰會稽謝祖之婦初育一男又生一蛇長二

尺許便送出門去後數十年婦以老終祖忽聞西北

有風雨之聲頃之見一蛇長數丈腹可十餘圍入戶

造靈座因至柩所繞數匝以頭打柩目血淚俱出良

久而去上同

又曰會稽郡吏薛重得假還家夜戶聞妻床上有文

夫鼾聲喚妻妻從床上出未及開戶重持刀便逆問

妻曰醉人是誰妻大驚愕因若自申明實無人意重

家唯有一戶搜索了無所見見一大蛇隱在床脚酒

臭重便斬蛇寸斷擲於後溝經數日而婦歿又數日

而重卒歿經三日復生說始歿時有人持將重到一
官府見官寮問何以殺人重曰實不曾行凶曰寸斷
擲在後溝此是何物重曰此是蛇非人府君愕然而
悟曰我常用為神而敢淫人婦又妄訟人勅左右召
來吏率乃領一人來着平憤真詰其淫妻之過將付
獄重乃令人送還同上

種黍來蛇燒殺羊角及頭髮則蛇不敢來出朝野僉載。太平

廣記魚屬連行蛇屬紆行詩曰委蛇蓋取諸此左傳曰退

食自公委蛇委蛇謂從者也衡而委蛇必折故序以
言正直洪範三德一曰正直中德也其形委蛇是以
其德在剛柔之中太史曰大直若屈道固委蛇有是
哉此之謂也舊說蛇盤常向壬地壬北方也周官曰
龜蛇為旒先儒以為龜蛇象其捍難避害龜甲者也
而蛇擊前則尾應擊後則首應自腰擊之則首尾俱
應有兵之象故龜蛇合體謂之玄武易曰一陰一陽
之謂道而玄朔者道之所在陰陽之理具焉故物有
玄龜纏蛇臟有左腎右命方有朔有北器有準有繩

其為卦也名之曰習坎習猶重也舊說牛以鼻聽蛇以眼聽語曰蛇聾虎聾甕其以此乎莊子曰蛇憐風風憐目目憐心其言蓋展轉輕妙述異記曰凡珠有龍珠龍所吐也蛇珠蛇所吐也語曰蛇珠千枚不如一玫瑰言蛇珠賤也變化序曰鵠之為猿蛇之為鼈一曰麋鹿易蹄蛇類易皮鼈類易殼稽聖賦曰蛇曉方藥鳩善禁呪蓋鳩能禁呪大石使起取蛇食之其禁石時舉翅行前却如道士禹步則石起也按十二支辰為龍已為蛇已六陽具不為龍而為蛇者龍至

此而亢故也宜為蛇而已故曰亢之為言也知進而

不知退知存而不知亡知得而不知喪

宋陸佃埤雅

蛇字古但作它耳从虫而長象冤曲垂尾形上古州

居患它故相問無它乎今之字傍加虫而變其音又

蛇行于曲考工記以為紆行之屬故退食委蛇亦用

蛇字草居常饑每得食稍飽輒復蛻殼冬輒含土入

蟄及春出蟄則吐之其圓重如錫石謂之蛇黃雖復

草居人家時有之故諺云一畝之地三蛇九鼠也今

貓能禁之又人家畜鵝者蛇亦不至聞捕蛇者云蛇

稍大者則易禁以其耳目開利習於禁架也小者曹然則往往難禁其種類至多惟烏蛇性善不噬物而白花蛇有毒生於蘄州今蛇灰目皆閉惟蘄州者目開若生舒蘄兩界間者則一開一閉此理之不可曉者故人以此為驗云後漢南陽郡隨縣古隨國其蝮蛇屬黑色潛于神淵能興風雨或从淮南子曰犧牛粹毛宜於廟牲其於以致雨不若黑蜮宋羅願爾雅翼蛇之類多爾雅曰馱蜮郭云蝮屬大眼最有毒今淮南人呼蜮子又曰騰騰蛇郭云龍類也能興雲霧而


游其中淮南子云蟒王蛇蟒蛇之大者謂之王蛇又曰蝮虺博三寸首大如擘江淮以南曰蝮江淮以北

曰虺宋鄭夾滌通志獵奇

賴濱釋莊子曰魚不畏網罟而畏鸚鵡畏其天也物之畏其天誠有可恠者余里中一村童嘗見大蛙十數聚于汗池叢棘之下欲前捕之熟視乃一巨蛇蟠棘下以次啖群蛙群蛙凝立待啖不敢動又村叟見蜈蚣逐一蛇行甚急蜈蚣漸近蛇不復動張口以待蜈蚣竟入其腹逾時而出蛇已斃矣村叟棄蛇于深

山中踰旬往視之小蜈蚣無數食其腐肉蓋蜈蚣產
卵于蛇腹中也余又嘗見一蜘蛛逐蜈蚣甚急蜈蚣
逃入籬搶竹中蜘蛛不復入但以足跨竹上搖腹數
四而去伺蜈蚣久不出剖竹視之蜈蚣已節節爛斷
如蟹醬矣蓋蜘蛛搖腹之時乃灑溺以殺之也物之
畏其天有如此者夫蛇之恣啖群蛙自以為莫己敵
矣而不知蜈蚣之能涉其腹也蜈蚣之斃蛇育子自
以為莫吾禦矣而不知蜘蛛之能醢其軀也世之人
昂昂然以凶毒自多者可以觀矣且蛙之不能敵蛇

固也蜈蚣小於蛇矣而能制蛇蜘蛛小於蜈蚣矣而
能制蜈蚣物豈專以小大為強弱哉宋廬陵羅大
經鶴林玉露蛇化為龜雀化為蛤彼忽然忘曲屈之狀而得蹢躅
之質此倏然失飛鳴之態而得介甲之體斷削不能
加其功繩尺不能規其象何化之速也且夫當空團
塊見塊而不見空粉塊求空見空而不見塊形無妨
而人自妨之物無滯而人自滯之悲哉譚景昇化
書○說郭乾道六年湖州市中弄蛇客養一魚於瓦盆狀似鮎
而色黑腹下出兩手若壯夫者十指皆具蓋所謂人



魚也又武康山間產一種蛇名曰劔脊鳥大而善走逢人則昂首而立其尾著地不及寸須急趨避之乃免其害


宋洪邁夷堅志

衡州某司戶之妻盛年有姿色與同官家往來和柔待下皆得其懽心但每睡時常開口伸舌而舌表兩歧夫積以驚異密言於曹掾掾曰吾聞蛇舌如是今賢室亦然何也因晝寢以引使似之妻似覺為人所窺至暮泣語夫曰與君緣分止此行當永訣明日而病頃刻即沉篤遺言我死後殯斂了切莫開棺方當

暑天恐形容亦敗空招憎惡耳再三申約遂亡翌旦就木其家近在旁郡走介報越三日父母來云初不聞有疾何為遽爾必欲觀其尸夫以所戒告母疑非善終固啓之則一蛇蟠屈于中衣裳冠履如蛇悲駭慟絕函舁出野寺焚之趙彥遷儒林時在衡實所親見

同上

餘干縣潤陂巡檢寨兵文迪善捕盜以功積遷都虞侯歿後十餘年妻亡其子百一者奉喪於家忽見巨蛇如人臂長可丈許纏其棺莫知所從來一家怖懾



不敢近。越兩日乃去。徑入鄰卒張進之室殺之。甫數日張歿。百一亦繼之。紹熙四年五月也。同上

方城民王三善捕蛇。每至人家能知室內有蛇多少。在某處召為害者。取食之人目為蛇王。三方城令得一蛇。召之使食。為瓜所傷。缺兩齒。近村民苦毒蟒。出沒為害。釀金十萬命王作法以捕。王畫地為三溝。語人曰。若是常蛇。越一溝即死。及不過二。如能歷三溝。則我反為所噬矣。既而蛇至。無所畏。欲就王。王窘甚。亟脫袴中裂之。蛇分為兩而歿焉。嘗適麥陂村。謂富

室曰。君家有巨黑蛇。方旺財。不宜捕。富室欲驗其言。強使取之。王書片紙。命投於厨後墻左角小穴。呼曰。蛇王。三喚汝。即急走。勿反顧。恐傷汝。其人不信。投紙畢。徘徊觀之。則巨蛇遊出。其人驚仆。蛇從旁徑出。至王所。王袖之而去。其家自是漸敗。予歸家居麥陂。數呼之。至建炎。盜起。不知所終。或以為蛇精云。同上

王賁之家。因役群僕。負薪過後園柴柵。見積薪下一蛇已歿。四足宛然。蛇足之說多矣。或云燒地令極熱。而真活蛇。其上則足自出。皆攸繆之談。人固未嘗試。


也。賁之往視則蛇足翹然突出腹下，大異之。揮杖挑起細觀，乃吞墓未化，其腹方脹，墓氣猶未絕，故盡力以踏蛇腹，冀或得出，亦可傷已。上同

趙中甫待制思誠紹興初知廣州，次年後園有赤蛇，長數尺，挂於木杪，須臾有蒼黑蛇自草間出其長一倍，小蛇從之以百計，赤者望見躍從高枝下，即與鬪，風塵簸揚，衆木振動，人不敢正視，良久蒼黑者敗走，赤蛇緣木復上，遂失所在。中甫惡之，占云：不利主者，或言正鄭內蛇死，故鄭子失國，今乃容蛇去，似非所

擾中甫竟用為疑，設醮祈禳，仍避正寢，已而終於府

治上同

蛇最能為妖，化形魅人，傳記多載，亦有真形，親與婦人交會。南城縣東五十里大竹村建炎間民家少婦，因歸寧行，兩山間聞林中有聲，回顧見大蛇在後，婦驚走，蛇昂首張口疾追，及繞而淫之，婦盡力不得脫，叫呼求救，見者奔告其家，鄰里皆來趕，莫能措手，盡夜至旦乃去。又壕口寶慈觀側田家胡氏婦，年少白質，春月餉田去家數里，負檐行山麓，過叢薄中，蛇追



之婦弃檐走未百步驚顛而仆為所及以身匝繞舉尾褰裳其捷如手裳皆破裂淫接甚久其夫訝餉不至歸就食至則見之憤恚不知所出呼數十人持杖來救蛇對眾舉首怒目呀口吐氣蓬勃如煙眾股栗莫敢前但熟視遠伺而已數日乃去婦困卧不能起形腫腹脹津沫狼籍鼻歸下五色汁斗餘病逾年色如蠟宜黃縣富家居近山女刺繡開牕每見一蛇相顧咽間有聲鳴其傍伺左右無人疾走入室徑就女為淫時時以吻接女口又引首搭肩上如並頭狀女

啼呼宛轉不忍聞家人環視欲殺蛇恐并及女交訖乃去遂妊娠十月產蛇蜒數十南豐縣葉落坑紹興丁丑歲董氏婦夏日俗溪中遇黑衣男子與野合又同歸舍坐卧房內家人但見長黑蛇亦不敢殺七日而後去婦蓋不知為異物也此四女婦皆存云人傳合寶慈道人黃師肇誌同上

魯國中牟縣蒙山上有寺廢久民欲架屋者輒大蛇數十丈出來驚人故莫得安焉宋劉敬叔異苑

新野蘇卷一作與婦佃於野舍每至飲時輒有一物

來其形似蛇長七尺五寸色甚光采卷異而餉之遂
經數載產業加厚婦後密打殺即得能食病日進三
斛餘猶不為飽少時而死上同

晉中朝武庫內封閉甚密忽有雉雉時人咸謂為怪
張司空云此必蛇之所化耳即使搜庫中雉側果得

蛇蛇
上同

司馬軌之字道援善射雉太元中將媒下翳此媒屢
雉野雉亦應試令尋覓所應者頭翅已成雉半身故
是蛇上同

晉太元中汝南人入山伐竹見一竹中蛇形已成上

枝葉如故又吳郡桐廬人常伐餘一作遺竹見一竹

竿雉頭頸盡就身猶未變此亦竹為蛇蛇為雉也上同

丹陽鍾忠以元嘉冬月晨行見有一蛇長二尺許文

色似青琉璃頭有雙角白如玉感而畜之於是賞業

日登經年蛇自亡去忠及二子相繼殞斃此蛇來吉

去凶其唯龍乎上同

劍利門有蛇長三尺其大如甕小者亦如柱焉兔頭

蛇身項下白色欲害人也出自山上輪轉而下以噬

行旅必穴其腋而飲血焉其名曰坂鼻每於穴中藏
微出其鼻而鳴聲者牛响聞數里地為之震業焉民
有冬燒田者或燒殺之但多脂耳蜀杜光庭錄異記

南海中有山高數十里周圍百里每年夏月有巨蛇
繳山三四匝飲海水如此為常一旦飲海水之次有
大魚自海中來吞此蛇天地晦冥久之不復見同上
郫縣有民於南郭渠邊得一小蛇長尺餘剗剔五藏
盤而串置於烟火之上焙之數日民家孩子數歲忽
遍身腫赤皮膚炮破呻吟痛楚異常因自語曰汝家

無狀殺我剗剔腸胃直於火上且令汝兒知此痛苦
民家聞之驚異取蛇拔去剗竹以水灑之焚香祈謝
送於舊所良久蜿蜒而去民家兒亦平愈焉同上
景知果亦有道者也居竇垂山與虎豹同處馴之如
家犬焉鴉數隻集其肩臂之上鳴戲為常又有巨蛇
時出知果叱而遺之蜿蜒而去虎三數頭於庭中月
夜交搏騰踏既甚知果怒持白挺擊之遂散去知果
於觀側薙草兔卧草中不驚手移於他所如猫犬耳其
狎異類也如此一旦失所之同上

景雲中有蛇鼠鬪于右威衛營東街槐樹蛇為鼠所傷鬪者兵象

宋孔侯白 孔六帖

石蛇郭誼兄友事劉悟為牙將常樂滄山秀峻曰我死必葬此誼以友假刺史穿三十丈得石蛇并卯工破之皆流血

同上

蛇畏薑黃

宋蘇軾物類相感志

陳齊郎湖州安吉人因步春渴掬湖水兩口嚥之數日覺心腹微痛日久疼甚服藥無效醫診之云心脾受毒今心脉損甚齊即答云去年步春渴飲湖水得

此醫云齊即喫却蛇交水蛇在湖邊遺下不淨在湖

水內蛇已成形在齋即腹中食其心而痛也遂以水

調雄黃服下果下赤蛇數條皆能走也

名醫錄。宋新安張果醫

說

南海地多蛇而廣府尤甚其侍郎為帥聞雄黃能

禁制此毒乃買數百兩分貯絹囊掛于寢室四隅經

月餘日卧榻外常有黑汁從上滴下臭且臊使人穿

承塵窺之則巨蟒橫其上灰腐矣於是盡令撤去障

蔽灰者長丈許大如柱旁又得十數條皆蟠蚪成窠

穴他屋內所驅放者合數百自是官舍為清類編同上。太宗皇帝以海內混一四方無虞乃於江南置太平軍江北置無為軍取太平無為之義太平後改為州無為之建在淳化四年十二月戊戌至大中祥符二年建軍方十有六年災異變恠忽發八月中有青蛇長數丈出郡治十六日風雨林木城門營壘盡壞壓死千餘人夜三鼓方止九月乙亥奏至真宗皇帝亟命中使張景宣馳驛恤視民壞屋者無出來年夏租壓死者家賜米一斛無主及貧乏者官收瘞之令長

史就宮觀精虔設醮為民祈福是時方尚祥瑞宰相甚怒加譴郡守真宗不從其後守臣懲艾於五年二月壬午奏甘露降桐樹七年七月庚寅奏聖祖殿叢竹內獲毛履二以為聖祖降九年四月奏瑞氣覆巢湖畫圖來上皆奉承上意也洎至皇祐三年仁宗皇帝在位三十年矣六月丁亥守臣茹孝標奏城內小山生芝三百五十本悉以上進改名其山曰紫芝山蕞爾一培塿不應一時所產若是之多也上怒曰以豐年為瑞賢臣為寶草木蟲魚之異烏足尚哉茹

存標與免罪戒州縣自今無得以聞大哉王言足以驚臣子之進諛者矣

宋王極燕翼貽謀錄

黃州倉有大蛇其尾之圍猶如人股倉連州宅園地

時時往來人或見之

宋張耒續明道雜志

田京待制將取幞頭戴之有蛇出幞頭下或言蛇戴

幞頭喪門也不數日京死

同上

楊國寶學士榮陽人頗以文行著稱元祐中任開封

府推官一家大小十餘口歿幾盡國寶最後亦卒先

是國寶有妹孀依其兄以居妹有庖婢一日忽如病

心狂語終日不休語頗凶恠或取土為丘墳狀守之

而哭人以為不祥勸楊逐之楊不聽時某與楊同館

供職時楊方喪一女一日謂余曰余夜夢一蛇首有

冠余素聞蛇身而冠謂之喪門大不祥心知楊之禍

未已也不欲言之已而果然

同上

嶺南人好啖蛇易其名曰茅鱓草蝨曰茅蝦鼠曰家

鹿蝦蟇曰蛤蚧皆常所食者海魚之異者黃魚化為

鸚鵡泡去聲魚大者如斗身有刺化為豪猪沙魚之班

者化為鹿

倦游雜錄

朝奉郎劉均國言侍其父吏部公罷官成都行李中
水銀一篋偶過溪渡篋塞遽脫急求不獲即攬收渡
傍叢草塞之而渡至都久之偶欲求用傾之不出而
斤重如故也破篋視之盡成黃金矣國初征澤潞時
軍士於澤中鏹取馬草晚歸鏹刀透成金色或以草
然釜底亦成黃金焉又臨安僧法堅言有歛客經於
潛山中見一蛇其腹脹甚蜿蜒草中徐遇一草便嚙
破以腹就磨頃之脹消如故蛇去客念此草必消脹
毒之藥取置篋中夜宿旅邸鄰房有過客方呻吟牀

第問客就訊之云為腹脹所苦即取藥就釜煎一杯
湯飲之頃之不復聞聲意謂良已至曉但聞鄰房滴
水聲呼其人不復應即起燭燈視之則其人血肉俱
化為水獨遺骸卧牀急挈裝而逃至明主人視之了
不測其何為至此及潔釜炊飯則釜通體成金乃密
瘞其骸既久經赦客至邸語其事方傳外人也
宋陸游避暑漫抄
孔中丞道輔為州掾太守到官三日謁廟廟有蛇以
為神每祝之則蛇自神像鼻中直出飲酒孔方讀祝

飲孔厲聲曰明則有禮樂幽則有鬼神蛇何為哉笏擊蛇歟遂揮象壞其廟而去

宋王鞏聞見近錄

劉器之安世元祐臣也晚在睢陽以錙二十萬鬻一舊宅或謂此地素凶不可止器之不信始入即有蛇虺三四出屋室悶呼僕厮屏去則率拱立謂有鬼神不敢措手器之怒改命家人輩自納諸筐筐而棄諸汴流翊日則蛇出益多再棄輒復又倍會不決旬乃至日得五七筐不已也器之不樂因自焚香於土神祠前曰此舍某已用錢易之即是某所居矣蛇安得

據以為恠乎始猶覲神之有職而令悛革今數日恠益出是神之不職爾固當受罰雖願仍其舊貫不可得矣顧從者盡培土偶五六擲之河中召匠改塑由是恠不復作

宋蔡條鐵圍山叢談

南唐陸昭符為常州刺史一日坐廳而雷雨暴至電光如金蛇繞案吏卒皆震仆昭符不懼撫案叱之雷電遽收及舉案唯得鐵索重百斤昭符亦不變色徐命舉索納庫中此亦異事當為格物者立一案也

茅元儀野航史話

許下西湖一州之冠始沮洳未廣自宋公序開拓遂
瀰漫菰蒲魚稻米取不貲於是詩落成多人稱美
西南水心有觀音堂昔乃四門亭子常有太蛇居之
民不敢近其後改置此像蛇不復出像乃慈光獻法
容云宋張舜民畫墁錄

壬戌建中三年趙州寧晉縣群蛇分為三集寧晉縣志

鵲不觀天而知風蛇不察地而知水蒙泉雜言


武勝之嘗于江灘見雷公逐一黃蛇或以石投之鏗

然有聲雷公飛去乃一銅釵宋聶田徂異記

魯定公元年有九蛇繞柱占以為九世廟不祀乃立

煬宮宋岑象求吉山影響錄

仰山元老既北歸青之山間有唐福元之故處深密
巖險久無人迹元與其徒往焉舍於石室夜則小參
一夕聞疾風甚雨聲出視星月粲然久之有大蛇行
來蟠於室前仰首以聽既罷伸其下體如拜伏狀而
後去從者震恐元自如也自是每夕必至宋陳師道後山談叢



三
分
類
集
卷
十
五

...

